

Te aworaki ta rumor so...

# Indicacion cu Polis lo tuma funcion di DOPV back

ORANJESTAD (AAN) -- Tin cosnan masha straño ta sosode den e mundo aki, sin laga afo nos isla chiquito (cu ainda ta un paradise den nos planeta), cu ta laga hende babuca y tene su curazon duro. Despues cu a bira conoci cu mr. Milko Baiz a pidi su retiro como Director di D.O.P.V y cu e director adhunto ex-polis

Thiel ta di regreso den Cuerpo Policial, rumornan a cuminsa core cu tur e funcionnan di D.O.P.V lo pasa bek pa polis. E rumornan aki no ta pas cu e informacion cu Ministro encarga ta bin ta dunando for di varios luna caba, den sentido cu D.O.P.V ta den un proceso di reorganizacion, y cu aki un par di siman e controladornan

lo cuminsa controla, cu autoridad pa sanciona transporte publico, manera mester a sosode for di tempo bieu. Ta parce cu ayera mainta Alto Mando a reuni cu mr. Baiz na D.O.P.V pero kico ta e tema cu nan mester a trata no ta conoci pa nos redaccion. Aparentemente, den corto tempo D.O.P.V lo mester a encarga cu rijbewijs y hasta

tin indicacion cu nan a set up un oficina den e di dos piso cu su lesenaar, computer, archivo, etc.etc., pa ubica e departamento di rijbewijs aden. Pero diripente e proyecto a haya un birada di 180 grado, y DIARIO tin entendi cu for di ayera, cu rumornan a cuminsa core cu e departamento lo disparce, e personal ta den suspenso wardando pa nan worde apunta pa bay traha

otro caminda. Mientras tanto e ministro concerni ta na Panama caminda el a bay negocia cu COPA pa concreta su posible vuelonan pa Aruba. Ohala ta rumor so tin, pasobra e ministro mes a informa cu nan a laga un experto Hulan-des bin Aruba pa haci un estudio y yuda den e proceso di reorganizacion di D.O.P.V, y shonnan, esaki ta costa cen!

Rene Herde:

## AVP kier cambia e forma di discuti y dialoga riba enseñanza

ORANJESTAD(AAN): Segun drs. Rene Herde di AVP, recientemente gobierno a publica un lista cu a wordo publica, gabando cantidad di proyecto di inversion. "Lamentable ta cu di e suma total di casi 700 miyon florin di e inversionnan aki, gobierno a haya ta bon pa inclui 256 miyon di sector priva. Un colega di AVP a bisa cu ta lamentable cu construccion di su cas no tabata riba e lista.", el laga sa. Tabata tin inversionnan di SETAR, WEB, di Fondo di Desaroyo y Fondo di pension cu nan a inclui riba e isla pa haci esaki mas largo y mas vet, drs. Herde a bisa y a agrega cu inversionnan di enseñanza mes, y e lista no ta correcto. Inversionnan di Enseñanza ta apenas 37 miyon di cual 28 miyon ta di Fondo di desaroyo.

Den esaki ta un school di 9 miyon so ta ser construi y "e ridiculez di e lista ta tambe --pa mi ilustra -- cu e sistema di cobranza di SETAR ta mas halto cu construccion di school. E sistema aki ta di 15 miyon", segun Sr. Herde. El a laga sa cu AVP no kier keda den e sistema bieu di critica ken a haci mas ken a


haci menos ken a haci kico y ken a haci no. "Nos ta kere cu discusion riba enseñanza mester converti den un dialogo pa mira con nos por mehora enseñanza. Esaki no ta sosode. Nos mester vigila e inversionnan si pasobra awor aki den tempo cu gobierno mes ta bisa cu cos ta malo, mester haya prioridadnan di gobierno

refleha den su maneho. E prioridadnan mester refleha den inversion. Si enseñanza ta conoci di ta un instrumento importante pa sali for di crisis, pa mehora calidad di bida, pa alza inversion humano den economia, mester inverti mas den enseñanza, y den e lista aki y den maneho di gobierno nos no ta wak e



prioridad pa enseñanza refleha. Nos kier cambia e forma di discuti y dialoga riba enseñanza. Nos no ta kere den djis bisa nan a haci menos, nos a haci mas y pronto cu lista di proyecto", segun drs. Rene Herde.

# CUA CUIDO MEDICO!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

**BEST DEAL**  
Tel: 5827100  
(Pariba di Aruba Bank, Paradera)

**BEST SHOPPING DEAL**  
Turibana Plaza  
Tel: 5865455

**Globe Pen Holder**  
Afl. 3,95